


# lokal



DR Ling

## Rangkul dua anugerah serentak

**Kuala Lumpur:** Penyelidik dari Universiti Putra Malaysia (UPM) Prof Madya Dr Michael Ling King Hwa menjadi penyelidik pertama yang merangkul dua anugerah serentak apabila menerima anugerah *International Brain Research Organisation (IBRO) Return Home Fellowship 2021* dan *International Society for Neurochemistry Return Home Grant Award 2021*.

Ia diberikan bersama geran peruntukan kepada mereka yang terpilih selepas melalui latihan pasca doktoral dari negara maju seperti Harvard Medical School, Harvard University, Amerika Syarikat dan pulang ke negara asal untuk menjalankan kajian dan penyelidikan.

Dalam satu kenyataan, UPM berkata, penyelidik itu menjalani latihan pasca doktoral di Harvard Medical School dari 2016 hingga

2018 dan dipinjamkan dari 2018 hingga 2020 yang melayakkannya memohon *fellowship* dan geran itu dengan sokongan UPM selepas pulang ke tanah air awal tahun ini.

*IBRO Return Home Fellowship* itu memperuntukkan geran sebanyak EUR20,000 (kira-kira RM95,000) manakala *International Society for Neurochemistry Return Home Grant Award* memperuntukkan geran sebanyak AS\$10,000 (kira-kira RM41,600).

Beliau yang juga pensyarah di Jabatan Sains Bioperubatan, Fakulti Perubatan dan Sains Kesihatan UPM akan menjalankan penyelidikan preliminari berkaitan penyakit otak selain penyelidikan organoid otak berkaitan penyakit *Syndrom Down* dengan menggunakan organoid serebrum.